

interrompuës, par les allans & les venans; ce qui [43] me fit refoudre, à les aller voir moy mesme, chacun dans leurs cabanes, où ie leur parlois de Dieu plus à mon aise, & ie les instruifois plus à loisir de tous les Myfteres de nostre foy.

Lorfque ie vaquois à ces saints emplois, vn ieune Sauvage, c'estoit vn de ceux qui auoient esté brullés pendant nostre voyage, vint me trouuer, & me demanda à prier Dieu, m'affurant que tout de bon il vouloit estre Chrestien. Il me raconta vne chose qui luy est arriüée, dont on iugera ce qu'on voudra: Ie ne t'eus pas pluſtoſt obeï, me dit-il, renuoyant ce forcier, qui vouloit me guerir par ſes longleries, que ie vis celuy qui a tout fait, & dont tu m'as tant parlé; Il me dit d'une voix que i'entendis diſtinctement: Tu n'en mourras pas, parceque [44] tu as eſcouté la robe noire: Il n'eut pas pluſtoſt parlé, que ie me ſentis fortiſié extraordinairement, & me trouuay dans vne grande confiance de recouurer la fanté, comme de fait me voilà parfaitement guery. L'efpere bien que celuy, qui a operé pour le ſalut du corps, n'abandonnera pas celuy de l'ame, & ie me le promets d'autant plus fermement, que ce Sauvage m'eſt venu chercher de luy meſme, pour apprendre les prieres, & receuoir les inſtructions neceſſaires.

Peu après ie ſceu que nous auions enuoyé au Ciel vn enfant au maillot, qui mourut deux iours après que ie luy eû conſéré le ſaint Baptême. S. François dont il portoit le nom, aura ſans doute preſenté à Dieu cette ame innocente, pour premices de cette Miſſion.

[45] Ie ne ſçay ce qui arriuera à vn autre enfant que i'ay baptiſé incontinent après ſa naiſſance: ſon